



تورک یوردی

تورک ادبیاقلری مرکز هبیتی طرفندره نشر اولونور

جلد ۵

کانون ثانی ۱۹۲۷

نومرو ۲۵

کتابیات

« Ei Lammeling von mani-liedern aus Anatolien »

« آناطولی مانیلری مجموعه سی »

بوندن ایکی ییل اول علمی تتبعات مقصدیله تورکیه کلن کنج فین عالی موسیو (مارتی ره سه نن) فینلاندا باش شهری هیلسنکی (هیلسنغورس) ده فین - اوغور جمعیتی واسطه سیله یوقاریده کی عنوانلی بر اثر نشر ایستیرمشدیر . مجموعه یه ۲۹۰ مانی درج اولومش و بونلری مؤلف بالذات آناطولیده طویلامشدیر . آلمانجه یازدینی مقدمه سندن آکلاشیلدینی وجهله اواکی ۶۱ دانه مانی بی فین عالنه ازمد ایلله اسکیشهر آراسنده واقع اولان وزیر خان استاسیوننده ۴۰ یاشلرنده برخدمتچی قالدین، عائشه، املا ایتمشدیر . بو قالدین نشت اعتباریله طربزون ولایتندن ایسه ده، حیانتک اک بویوک قسمی استانبول، سلانیک مصرده بگردیکندن اونک قونوشمه طرزی وسویله دیکی مانیلرک لهجه سی آناطولی لهجه سندن زیاده استانبول لهجه سنه یاقینمش ، مجموعه ده کی باشقه مانیلری مؤلف آناطولینک قارا ده کیز ساحلرنده ، طربزون قرینده وعمومیتله طربزون قافقاس حدودینه قادار اوزانان ساحه ده طویلامشدیر . بونلرک بر قسمی ، معارف وکالتی مأمورلرندن بلال عزیز بک ایلله برلکده طویلانیلیمشدیر . مؤلفک فکرینه کوره، اوراده طویلانیلان مانیلر شرقی آناطولی تورک لهجه سنی اوکره تک ایچون قیمتدار مالزمه لردیر . مؤلف بو لهجه نک خصوصیتلرینه دائر آیریجه برته تودیا زاجقنی ده وعد ایدیور . مؤلف، مانیلرک تورکجه لرینی هیلسنغورسده کی فین - اوغور جمعیتک قوللاندینی علمی حرفلر (ترانسکرپسیون) ایلله یاشمش وچیز کی آلتنده مانیلرک آلمانجه ترجمه لرینی ویرمشدیر . معلوم اولدینی اوزره ، ایلک دفعه تورک مانیلری مایار عالی ایقتاس قونوش طرفندن طویلانیلوب ، اونک ۱۸۸۹ سنه سنده پودایشته ده « عثمانلی تورک ادبیاتی کلیاتی » اسمیله باسدیردینی اثرده نشر اولومشدی . اوراده انتشار ایدن ۴۰۱ مانی علی الاکثر استانبول جوارنده طویلانیلیمشدیر . قونوشک مانیلرندن ۳۲۹ یی « استانبول دارالقونوی ادبیات مدرسه سی مآذونلری جمعیتی » ۱۳۳۹ سنه سنده کندی حرفلریمزله باصدیروب نشر ایلله مشلردی . (استانبول ، اوقاف اسلامییه مطبعه سی) . موسیو (ره سه نن) ک نشر ایستدیکی ۳۹۰ مانی قونوش مجموعه سنده بولونمیان مانیلردیر . لاکین سعدالدین نزهت وعمد فرید بکر طرفندن ترتیب ایدیلن « قونییه ولایتی خلیقات وحرثیاتی » آدلی اثرده کی ۲۷۵ مانی ایچنده موسیو (ره سه نن) مجموعه سنده کی مانیلره بکزه یلری بولوندیقتی ایکی مجموعه ده کی مانیلرک سطحی مقایسه سیله اوکره ندیم . مقایسه تعمیق ایدیلیرسه ، احتمال ایکی مجموعه ده مشترک مانیلرک اپی اولدینی تبین ایده جکدر .

(ره سه نن) مجموعه سنده کی مانیلرک کندی حرفلریمزله یازیلانلری بلال عزیز بکدن بولوندیقتی مجموعه نک مقدمه سندن اوکره نیورز . بونلرک برآن اول نشر اولومعه سی مطلوبدر .